

重脩浙江通志稿

第三十冊
建置

重脩浙江通志稿

第三十冊 建置

祠祀

鄉賢

旌德先賢祠

在保佑坊旌德觀後舊在西湖蘇隄南山第一橋名先賢堂

宋寶慶二年京兆袁詒奏建

祀鄉賢許由而下三十人列女孫氏而下

五人三年詔易其額曰旌德觀中書舍人王暨為記後罹兵燹徙今處元
季復燬明正統間重建成化十一年始建祠以復觀之舊額清康熙代增
祀二百十七人姓名備載府志此不贅

助聖廟

在杭市忠清里即昭忠祠

祀唐右僕射褚遂良里為褚故居乾

隆五十七年嘉慶十三年道光十四年光緒七年遞有修葺

陸宣公祠

在杭市孤山之陽

祀唐忠宣公陸贄陸氏後裔少保炳創祠

祀之陸慶間改漢嚴光以下十一人顏曰西湖書院天啟五年春旨改正
仍歸陸氏子孫世守清咸豐間燬於兵光緒二十五年後裔元鼎懋勛約
同姓集貲並請帑重建陸元鼎有記

昭忠祠 在舊仁和縣忠清里。祀唐右僕射褚遂良里為褚故居鄉人歲祀之成化間詔有司新其廟入祀典。

一在西湖六一泉舊有三祠曰正氣遺愛先覺（即昭忠祠）舊名景賢祠乾隆二十一年從旌德觀移木主於六一泉學政朱珪撰祠記嘉慶八年巡撫阮元移祀金沙港歲久祠圯道光五年巡撫帥承瀛移設三祠票主於詒經精舍後堂巡撫黃鳴傑有碑記同治四年重建精舍祠仍舊規制宏敞為堂者三凡正氣祠一百三十二人先覺祠一百七十八人遺愛祠六十七人總計三百七十七人同治後增祀正氣閣胡振聲等十五人先覺堂盧文弼等十七人遺愛堂朱珪等十三人阮元有金沙港三祠記載故文有西湖三祠名賢考略。

今按此祠現改設國立藝專學校。

按据阮記正氣之言始於楚辭遠游而文丞相正氣歌實發明之非有死節至行如文山者不得與也先覺之言始於孟子在畎畝則樂道任天下則覺民非有任事如阿衡者不得以類從也遺愛之言始於孔子之泣子產非有功德如鄭僑者不可也正氣遺愛先覺命名之義已見於此然列祀繁多其中卓卓可傳者固多而事跡未經考

要者亦大有其人如正氣之朱拱辰先覺之洪福星等十一人阮記已明言之以阮公之宏博尚不能識其為何許人則此祀泛濫靡誰可知且所祀諸人有互遷者有增祀者有除祀者錯舉紛然茲以列祀姓名杭州府志（已備其詳有載民考略茲不贅）

林和靖祠 在孤山 祀宋處士林逋（仁宗賜謚和靖）紹興間建四聖延祥觀詔勿徙墓後葺祠宇咸淳四年大風拔木祠幾毀官為重建賈似道領客來游於梅莽中得熙寧七年陳襄等九人竹閣題名石即屏植於祠下祠有鵬軒葉森有碑記

朱行人祠 在九里松 祀宋朱弁萬曆間建祠久廢清康熙間知府馬如龍復建（陳大綬向杰有詩俱拟之蘇軾屈國云）

楊清祠 在杭市忠清里（言忠莫如唐褚公清莫如明王公項公）祀明四川按察使僉事王珩刑部郎中項麒二公里人也正德間始附祀褚僕射祠嘉靖間別建祠（知府陳一貫為記）後燬知府孫孟重建天啟間

殿重建清初又重建（林路為記）咸豐間祠圯同治九年仁和縣姚光宇及里紳修復（光宇為記）光緒三十年綱商丁王二姓重修遂由綱商綜理祠事孫炳奎為記

按林記謂褚公王公項公異代同里乃樹坊里門曰忠清學使孔天清曰二公生同里接武同朝宜專祠與褚公同表曰揚清與褚公異又按林記謂王公以學政權御史再陟外臺領山西學政備兵川東西服官三十年卒以寒餓死項公貧窶家居三十年無室廬御史某為闢地誅茅焉

忠鯁祠 在橫塘楊家橋東岸 祀明歷仕宏治正德嘉靖三朝少保兵部尚書謚端敏胡世寧清雍正十年巡撫程元章奉敕查先賢祠墓實題與修胡氏後人請於故里擇地建祠胡國信有祠堂記今廢

勲賢祠 舊名天真精舍在天龍寺左 祀明新建侯王文成公守仁嘉靖九年門人薛侃等建萬歷初毀天下書院佃為民業十一年都御史蕭廩奏復之賜額曰勲賢蕭廩有復勲賢祠記

奉國舊主祠 在昭忠祠後本金衙莊舊址為明巡撫金學曾別業西偏為奉國侍郎嚴沆所築清嘉道間郡人大學士章煦（謚文簡）河督嚴烺相繼居此同治九年購建昭忠祠因並祠西公於祠西別室

鍾惠惠公祠 在跨虹橋左 祀明河南僉都御史鍾化民公以勞於王事卒萬曆中奉旨建祠河南後因郡人請建祠西湖濱

徐文穆文敬二公祠 在孤山之陽聖因寺右 祀清吏部尚書徐潮東閣大學士徐本光緒間後裔徐琪修復

張勤果公祠 在錢塘門外昭慶寺南 祀清山東巡撫張曜

嚴先生祠 在富陽東門外觀山 祀漢隱士嚴光宋淳祐間令李迪建有堂曰耕春元正末燬明洪武十九年重建宣德十年知縣吳堂擴而新之萬曆及清康熙間重修咸豐間燬於兵光緒間重建

按鼎大年嚴先生祠堂記云先生耕釣富春山中富春今屬杭邑而祠

廬舊境也邑東有赤亭山相傳為先生的游處固宜有祠吳君能以昔賢遺跡作祠風厲邑人可謂知所先務云

孫處士祠 在富陽慶善龍門村 祀漢處士孫鍾（浙通志續志稿缺載據杭州府志富陽縣志補入）

俞先生祠 在富陽漁溪玉屏山之巔 祀明高士俞膺（字古章）

張文忠公祠 在海寧城南書院中 祀宋侍郎張九成紹定二年令趙汝船始建祠於城西五里亭淨居寺之堂明正德九年知縣曹珪改建南城天啟間重修清乾隆二十九年奉部飭修

沈隱侯祠 在吳興儀鳳橋南 祀梁沈約宋崇寧中賜額德貺元末燬明正統初重建嘉靖九年知縣戴嘉猷毀像撤祠二十四年復清雍正九年復舊西銘修

東萊先生祠 在德清慈相寺月泉亭上 祀宋呂祖謙舊傳先生與南湖韓公讀書於此榜曰東萊讀書之堂

陸宣公祠 在嘉興城西報忠坊即嘉興縣學故址 祀唐陸贄宋元以來祠址遷徙不一載在舊記明宣德間始由南湖遷入城南繼遷於邑學宮故址凡三易嘉靖間喬臬等重建萬曆間知府莊祖誨重修清道光六年奉旨從祀廟庭咸豐十年亂僅存祠屋一堵以奉東主

丁清惠祠 在嘉善縣治東 祀明邑人官保大司空丁賓前門有六朝元老額（大學士錢士升撰祠堂記立石）清咸豐庚申亂此祠獨存光緒間喬孫重修

李介節祠 在平湖乍浦陳山寺 祀明舉人李天植清嘉慶七年署海防同知楊兆鵬知縣路鐸倡建巡撫阮元題曰龍漱高隱道光二十五年同知龍光白重修咸豐十一年燬同治十一年重建秦瀛有祠記略按秦記稱其崇禎間舉於鄉鼎革後髡髮入龍漱山中時時絕粒歿後

百餘年屋園久廢子姓衰絕嘉慶八年海上慕義之士高先生之風請於當道於陳山寺之側築屋數楹並私謚介節以榜其祠云

陸清獻祠 在平湖縣治東南即（明兵備道署廢基）祀清四川道御史贈內閣學士兼禮部侍郎從祀文廟陸隴其乾隆八年知縣高國福倡建五十年知縣王恒重修咸豐末祠毀同治五年布政使楊昌濬修復

朱竹垞太史祠 在嘉興王店鎮曝書亭側祀清朱彝尊同治五年浙江學政吳存義倡建光緒間里人忻寶華重修

壽春岩官廟 在鄞縣前徐鎮廟後村東南祀漢梅福宋大中祥符間建明弘治間張漢重修清道光十一年重修咸豐七年重建光緒二十年修民國十二年二十二年重修

賀秘監祠 在鄞縣柳汀鎮街祀唐秘書監賀知章宋紹興十四年郡守莫將建逸老堂祀知章及李白寶慶三年守胡桀更新之改名隱德堂後

圮開慶元年制便吳潛重建老堂元至正後廢清康熙二十二年里人合資重建乾隆四十七年廣祀址建後殿金相望有記嘉慶十九年重修咸豐三年十一年重修太平軍興燬同治四年修復

正學祠 在鄞縣柳汀鎮鎮明嶺上 祀宋楊簡袁燮沈煥舒璘四先生明嘉靖三十一年提學副使薛應旂建應旂有碑記

錢尚書祠 在象山縣治西 祀明尚書錢唐萬曆三十六年立祠

全謝山先生祠 在鄞縣慶豐鎮文昌閣北 祀清翰林全祖望

朱太守祠 在紹興昌安門外文應橋西 祀漢太守朱賁臣守郡有破甌越闢境土之功民立廟祀之

嚴子陵祠 在餘姚客星山子陵墓旁 祀漢逸嚴光唐時在治東北嚴公山後以墓在客星乃徙祠焉宋咸淳七年制置使劉黻邑人何林即墓左

建高節書院大營其祠元知州張德珪汪文璟劉輝郭文煜相繼修葺明嘉靖中知縣顧存仁林仰成修萬曆三十二年浙撫尹應元重修清同治元年燬光緒二十三年商孫重建

賀秘監祠 在紹興城西十五里十五都一畝壺觴埭 祀唐秘書監賀知章按秘監祠已見於鄞縣然彼為四明狂客之故此則鑑湖一曲地以人傳固不妨兩志之也

陸放翁祠 在紹興鑑湖上 祀宋待制陸游

王文成祠 在紹興城北二里東光坊 祀明新建伯王守仁嘉靖十六年御史周汝貞建初名新建伯祠後改為陽明先生祠清康熙二十九年知府李鐸修晉改今額馬如龍有碑記

據山陰縣志稱世皆知文成公為餘姚人越中人則知公已遷居山陰讀馬如龍方伯碑記又知公世居山陰後徙姚江又云東光坊即公舊第云

謝文正祠 在餘姚龍泉山 祀明大學士謝遷（前有萊忠祠祀公元孫贈太僕寺丞志望）清咸豐十一年燬同治初謝氏後裔建復

海日祠 在餘姚新建伯祠東 祀明王文成公父尚書王華清咸豐十一年燬同治初撥資建復

陽明先生祠（原作新建伯祠）在餘姚龍泉山 祀明新建伯王守仁以公嘗講學於龍泉寺之中天閣明嘉靖十四年提學徐階為建祠清順治八年知縣賈屏清重修咸豐末燬同治初撥資重建

石公祠 在新昌鼓山書院中 祀宋儒石墩知府洪珠有碑記

方正學祠 在臨海北山花橋 祀明靖難忠臣方孝儒清順治十七年徙府學東康熙十一年郡守岳貞教授何其純重修後祀產蕩折郡守張聯元清釐積貯重建並擇方氏子孫之賢者奉祀道光間郡守潘觀藻祀之於赤城書院易其名為正學咸豐十一年燬同治六年郡守劉璣建復書

院即於院後新正學祠焉

二徐祠 在臨海縣南六十里白巖山下 祀宋儒徐中行廷筠父子清光緒六年黃巖楊訓導友聲就其墓旁新建瑞安孫太僕衣言有記

杜清獻祠 在黃巖黃杜嶺 祀宋丞相杜範舊在學宮宋高祐八年建後廢明洪武間唐令宏重建於黃杜嶺墓側宏治十四年令黃即印重建嘉靖間燬於倭清同治中改革華為清獻書院仍建祠其後

三處士祠 在仙居縣南峯上古靈祠左 祀宋處士林訪呂徽之翁森

三忠祠 舊在金華八詠門外 祀宋宗忠簡公澤明王忠文公禕太常少卿陸震明正德十二年奉禮部勘合建隆慶間知府鄭一信改建清波門內原稱二忠萬曆二年巡按御史蕭廩以陸公增祀改稱三忠

宗忠簡公祠 在義烏縣學宮左二都宗塘三都宗宅均有祠 祀宋門下
侍郎御營副使宗澤元時初在滿心寺明正德十三年徙寺為學宮祠廢
隆慶五年知縣歐陽柏即二都舊祠增葺以祀清雍正五年知縣韓慧基
於學宮左重建乾隆二十四年高孫重修嘉慶四年知縣潘世綸重修教
諭程瑜有記今殿遺址存

赫靈廟 在永康縣東四十五里方巖山上 祀宋兵部侍郎胡則宋紹興
三十一年從孫胡廷直為建安縣丞請於上賜廟額曰赫靈胡廷直有記
按記稱胡公八典藩郡為良二千石七按錢穀為能刺史出入禁闥為
名從臣開國建功生有榮焉又稱被知遇進殺奏免銜獎民身丁錢到
今受賜自公之薨謀報無從即絃誦之所而食之云云觀此已足以
譽昔禩為民瞻仰矣至神人徵夢飲馬涸池之說可不必論也
又按浙江續通志稿於此廟改称兵部侍郎胡則祠考赫靈之称肇自
宋代浙江通志金華府志永康縣志俱沿舊称今仍之

二賢祠 在湯溪縣大安殿側、祀宋楊先生與立王先生栢、

孔氏家廟 (詳祠祀特編)

冲素叟士祠 在東陽縣西二里許、祀宋邑人張志行志行窮理樂道三
聘成辭高宗以莘野南陽待之賜號冲素叟士、呂祖謙有處士墓志銘、

黃文獻公祠 在義烏縣治西、祀元學士黃潛、至正二十二年知縣胡惟
信建明正統六年知縣劉同重建門人王禕有記、

宋公祠 舊在金華八詠門外東城下、祀明學士文憲宋濂、嘉靖十三年
巡按御史張子立建隆慶間知府鄭一信改建於清波門內、萬曆二年巡
按御史蕭廩以唐文襄公龍合祀、

呂成公祠 在金華光孝觀內、祀宋儒呂祖謙、宋端平間立祠後燬、明嘉
靖間重建、後遷於分守道署右清順治間守道周漢傑畢振姬重葺、康熙

十六年知府張蓋重建。

范香溪祠 在蘭谿城南倉嶺側 祀宋儒范浚明嘉靖三十二年建清乾隆十九年督學雷鉉題發學開宗額二十九年高孫重修咸豐末燬杭世駿有記。

陸忠定公祠 在蘭谿潑水驛西 祀明太常少卿陸震亦稱陸鶴山先生祠明武宗南巡伏闕諫者三百人震為之倡疏入下錦衣衛獄及出以創重卒明嘉靖元年建越十年知府姚文焰為廓新之。

章文懿祠 在蘭谿天福山南 祀明禮部尚書章憲公官祭酒時累疏陳教養良法講學以實踐為宗一遵朱子成法學者稱楓山先生嘉靖元年建清嘉慶間燬後高重建咸豐間燬光緒十三年重建。

唐文襄公祠 在蘭谿城隍廟後 祀明尚書唐龍嘉靖三十九年建經兵燹俱存光緒間重修。